

光緒臨朐縣志卷三之上

山水^上

邑處萬山中而水源四出實奧衍之區也顧獨西南諸山饒果木他皆童然水亦汎濫地上甚且密壑幽邃資奸宄之藏匿驚流奔騰苦田廬之漂沒蓋朐有山澤之美而居人罕收其利或反蒙其害焉可慨也已舊志曰駢邑僅彈丸之區而名山水實甲於東方帝王之所封禪可屈指計凡山東泰山黃帝漢武所常至也沂居五鎮之一沂沐汶巨洋之水出焉可不謂勝地乎夫第侈名勝而形勢利病昧焉是則舊志之見也今條其支派洞山之屬也附於山

光緒臨朐縣志卷三之上 山水

一

泉水之源也附於水作山川考

朐山蓋邑之主山云

在縣治東南二里踞巨洋水東岸漢書地理志齊郡臨朐注應劭曰臨朐山謂縣城臨側朐山也水經注臨朐山名也故縣氏之於應說爲誤引矣然昔人言自上憑下謂之臨今城在山下不得謂城臨山漢縣言臨者凡二十九類以水不以山臨鄉臨邑之屬於水無涉然亦不以山也以此推之應說亦誤蓋巨洋水一名朐水考詳巨洋水縣實以側川表稱而山在水上故亦得名爲朐歟帶郭之山此爲最近固當首標之矣山岸腳斗入水狀如奔螭飲河石皆黑

色鬪之往往爲鐵柱形天然圓峙齊乘作覆釜山舊有神祠步雲臺文筆峯高明堂朐山書院今并廢惟文昌閣奎星樓存

舊志云山上有市場一歲兩舉今移於南北關

其北二里爲委粟山

在縣治東北三里踞巨洋水西岸與朐山夾峙水經注曰巨洋又東北逕委粟山東孤阜秀立形若委粟是也原名稷山上有后稷祠

又北少東八里爲龍山

在縣治東北十里山椒有黑石蜿蜒盤迴酷似龍形故亦名盤龍山矣長亙三四里中有溝斷爲二相傳元至

光緒臨朐縣志卷二上

山水

二

正十七年曾有龍見於此下有深潭鄉人禱雨輒應

磐亙乎東北境穹崇遙見爲軒皇之蹕所曾駐者曰凡山

在縣東北五十五里

齊乘云三十里

一曰丸山亦曰丹山俗曰

紀山史記五帝紀東至於海登丸山注括地志云丸山

卽丹山在青州臨朐縣界索隱曰丸一作凡封禪書黃

帝時雖封泰山然風后封臣岐伯令黃帝封東泰山禪

凡山徐廣曰一作丸五帝紀作丸封禪書作凡注互異

而實同也漢書地理志凡山丹水所出師古則不言凡

作丸也地理風俗記作丹山水經注曰世謂之凡山丹

凡二字相類音從字變也通典臨朐有古東陽城一名

城城以凡山得名此爲凡山著稱之驗寰宇記作几山齊乘引大紀作丸山以几爲丸字之譌几且不典矧可作紀以是知紀山爲俗稱矣舊志云紀山卽丹山或作凡或作几或作丸傳寫之譌今稱紀乃紀國界上有紀王臺下有紀王澗曲說戾古蓋沿嘉靖志之失嘉靖志未

得見其紀山卽几山之文昌國餘艘嘗一引之府志辨之甚詳今故從府志正

凡山之名而附錄其詞如下以備考府志云縣志紀山卽丹山或作几或

作丸或作几皆傳寫之誤通志丸山古名後因紀國建此遂名紀山上有紀王臺紀山之名從此起又因丹水所出故又曰丹山而几字之誤起於紀音之相同丸丹皆可並稱亦非傳寫之形似也案春秋紀國今之壽光臨胸紀之邢邑耳紀國故城在今壽光縣南故臺猶存水經注巨洋水又東北逕劇縣故城西古紀國也

光緒臨胸縣志卷三上山水

之北側有故臺臺西有方池太平寰宇記紀臺在劇城內高九尺地理志劇縣昔紀侯國臺紀侯所築與今目驗適合邢爲紀之一邑未當建國於此山上何得有臺且紀亦非王臺何以稱焉蓋亦好事者爲之也几山之名蓋凡字偶失一筆而紀又以音誤無俟深考也

支峯別幹駱驛境內其可名者則有拖山

凡山南四里亦曰塌山拖塌音之轉也西北一水南流入汶俗名之曰金距河

柳山

塌山東南十里山有八峯俗以爲應柳宿八星故名四面陡峻惟東南有危徑可攀緣而升中甚平曠有泉四時不竭咸豐辛酉土人避亂其上千餘家名天成砦此

山縣互二縣之間昌樂臨朐各有其半

方山

舊志在紀山西十里此方俗之稱別一方山非古方山也古方山東丹水之所從出在凡山東今屬昌樂去縣境稍遠府志所載根據齊乘乃古方山謂山之陽在臨朐境特想像之詞詢諸土人實不然矣

靈山

凡山西北二十里晏子春秋齊大旱景公問羣臣曰卜崇在高山廣澤寡人欲祀靈山可乎晏子對曰靈山以石為身以草木為毛髮天久不雨髮將焦枯身將焚猶

光緒臨朐縣志卷二上山水

四

不欲雨乎祀之何益即此

述異記搗衣山一名靈山在瑯琊郡昔有神女於此搗衣

其石明瑩謂之王母搗練碓昌國餘臈古蹟引之考其時此山在朱虛境朱虛不屬瑯琊任昉所述疑別一山

行山

凡山東北十里長亙如屏東北有峯突起如棋枰

堯山

在凡山西北舊志靈山東南五里堯水所出按水經注水出劇縣南角崩山即故義山也俗人以其山若角崩因名為角崩山亦名角林山齊乘府東角崩山與方山相連伏琛齊記亦名堯山一山蓋兼四名

齊乘丸山又名堯山凡山

並可蒙此稱此為其支峯無疑三齊略云堯山在廣固城西十里堯巡

狩所登遂以爲名山頂有祠自指益都境內之堯山而言不關此山也

倉山

堯山東北五里大小雙峯中斷孤聳魏書地形志北海郡劇有倉山卽此蓋山之陰皆昌樂境而劇故城卽在昌樂縣治西十里也

崆峒山

凡山西南八里俗名甕石山以山東南峯半有石高聳二丈餘周廣十餘丈其形如甕也又有探海石在山之北高數仞圍十丈兩石相承上廣於下中若刀截痕微

光緒臨朐縣志卷二上

山水

五

斜危然欲墜四周壁立無能陟其上者有水名阿泉出山陰深澗中細流涓涓大旱不竭澗長數里極蜿蜒繚曲之狀

墨斗山

凡山西十里土石俱黑狀如墨斗山南出二水東曰車溝西曰墨洲卽桃花水之源皆西南流入巨洋山半有池方廣丈餘水色清澄不溢不竭土人呼爲墨池案府志云凡山盤基甚廣今志乘所稱凡山不過縣東北數里內古凡山之西麓耳史記封禪書云黃帝封東泰山禪凡山合符然後不死焉如今日之所謂凡山者何足

以當之觀齊乘諸說則靈山方山堯山皆凡山也卽魏志之倉山亦不容離析而廣其目昌樂志亦云縣西南隅之山皆發脈於臨朐之凡山據此則縣東北境之山皆可以凡山統之餘非其支麓卽其擁脈之山舊志各立主名不相繫屬似稍淆其實矣

自凡山折而西南委蛇起伏五十里屹立者爲牛山

在縣治東南二十里四望如鉅屏屹立七賢水出其西北麓合水出其東北麓魏書地形志盤陽有鉅平山卽此土人呼曰牛山邑東方無高山此山於眾邱垤中巍然特異勢非崇峻而體自廣大然校之東泰山則猶然

光緒臨朐縣志卷二上

山水

六

培塿耳以側盤陽故魏志注表之昌國餘臈云屹立萬山中羣小峯尾扈如子環帶如衛實爲一邑之鎮正可

與東泰大峴並詞夸而失實矣

邑人李廷樞登巨平山序有云茲山雖無林木

之蔚茂泉石之幽潔谿壑之深窅梵宮冊院之佳麗及煙雲幻變氣象萬千之勝概然旁無附麗數里外小邱微垤勢若子男意造物者位置於斯俾之獨全其尊也而茲山顧平夷蘊藉亦不以嶽崎險怪與諸山角似有道者懷能抱德含蓄而不露也數語善爲此山寫照故附載之

其東南爲寶瓶山

去牛山三里盤陽店之西少北山形如瓶故名小阜耳南丹水之所經般水桃花水於此入焉其東十里爲紅山卽紅砂嶺又名分水嶺嶺西之水皆西流入巨洋嶺

東之水皆東流入汶又南二里爲福山亦名孤山孤山
南少東八里爲雙山西少南八里爲大山大山西北七
里爲小山紅山北三里爲英山西北三里爲青山培塿
錯列亡可表稱鄉社取名用識里壤而已

其迤而西南十數里諄於巨洋之濱者九鳳山也

在縣治東南三十餘里昌國餘艘云迤鉅平而西南如
蓮花花瓣宛抱隔一嶺輒自爲一區嶺疊以十數其西
南皆抱以般水北背魚合水中一谷窈而深廓五澗紆
絡之如蓮之蕊是爲雲黃墅開封守張時俊題曰五龍
口雲黃墅者卽傳國之別業也今廢無迹此山西臨巨

光緒臨朐縣志卷二上

山水

七

洋縣東境諸水之與巨洋會者皆於此注之也

崑嶷磅礴與岱埵尊表鎮東方而萃秀乎縣之南境者厥
爲沂山

在縣治南九十里一曰東泰山一曰東小泰山周禮職
方氏正東曰青州其山鎮曰沂山漢書地理志朱虛東
泰山汶水出水經巨洋水出朱虛縣泰山注泰山卽東
小泰山齊乘謂卽公玉帶請漢武所封之東泰山又左
思齊都賦神嶽造天惟此足以當之亦因東泰山而得
嶽名其山南北互縣周迴數百里山出四水汶出東北
巨洋出西北沂出西南沐出東南實齊東之巨鎮也山

頂有二冢相傳周穆王葬宮嬪於此故大峴關因號穆陵關案周初封太公已有南至穆陵之履豈由穆妃而得名蓋二冢不知誰氏之葬反因穆陵而傳會也

自山頂至

此亦齊乘文

山之東谷中爲東鎮廟歷代祭告之文俱刻石

祠下

考詳祠祀

松柏皆數千年物廟西南五六里爲百丈崖

嶄巖雲表其上復十五里有法雲寺西倚絕巘南北高巖環繞東開闢如雙闕對峙佛殿下一泉汶水之原出焉西麓有龍灣卽巨洋之正源又有霹靂洞廣容數千人深窈莫測奸宄往往伏迹其中游客相戒無敢入者其南迤東十里爲大峴山

光緒臨朐縣志卷二上

山水

八

在縣治東南百五里齊乘卽穆陵關也其山峻狹僅容一軌故爲齊南天險宋書武帝紀公抗表北討慕容超聞王師至其大將公孫五樓說超宜斷大峴堅壁清野以待之超不從公旣入峴舉手指天曰吾事濟矣卽此山也踰關卽沂水界山嶺長脊一綫宛宛不絕登沂山南眺東西橫帶如防如垣西有銅陵關道通沂水與此關相去可四十里形勢要險正相埒也嶺上有長城故關側一名長城嶺

其東南二十里爲大弁山

一曰太平山水經注 水篇大弁山與小泰山連麓而

異名也齊乘沂山東南曰大弁山大弁今人譌作大屏字相類而誤唐沈亞之沂水雜記又訛作太平山因頂平八九十里故云當從水經當作水經注作大弁者是山勢縣延東入安邱遠眺無際在縣境者可二十里

循大弁山折而北爲金轎山

在縣治東南七十里去沂山東北三十里而近汶水之北安邱志曰金鞍山蓋一山跨兩縣而各異其名也大弁南界沂水此山東界安邱盡東南邊境之山矣

汶水之西巨洋水之東通岡連阜邈迤數十里皆沂山北麓也其西北偏之峯曰明月峯又北曰雙筆峯曰天鹿峯

光緒臨朐縣志卷二上山水

九

天鹿東南曰天馬峯

諸峯皆以形似得名惟明月峯不解其義天馬峯形如馬鞍土人亦呼之爲馬鞍山天每欲雨則諸峯之上有雲如冠故土諺曰沂山戴笠雨不一日舊志云沂山之西北四十里爲明月峯明月峯之北二十里爲雙筆峯雙筆峯之中爲天鹿峯天馬之去天鹿則不言其里數今規方位天馬最北直南視沂山實相去四十餘里舊志所云蓋就諸峯之相距者各屈轉計之耳

天馬峯之北少東爲龍門山其西曰龍門崗

在縣治東南五十里上有博石洞天池水之所從出也

山坳一寺名天池寺一曰龍岩寺寺有浮屠自唐開元
中建龍門崗在其西五里對峙如門而崗特若斧劈闕
半者上有三洞曰朝陽洞曰明洞曰黑洞石皆中空或
連或斷可容數十百人黑洞特深窈以火導前乃可入
土人曾依以避亂又北稍西五里卽九鳳山沂山北演
支脈至此截然而止不與相屬也

天鹿峯之北爲九秀山其東曰龍頭山

舊志謂在天鹿北十里山如層波激風起伏萬狀中有
一峯似矢微簇隱之疊帳晴朗不能見天陰欲雨時顧
獨秀媚龍頭山在其稍東軒聳而西向亦以形似名矣

光緒臨朐縣志卷二上

山水

十

二山皆在龍門對峙之西

雙筆峯之西北二十里爲黃山

在縣治南四十里一曰鳳凰山大小二峯圓秀可愛稍
西二里爲月明崖舊志云黃山之東折而西二十里爲
月明崖誤一壁千仞下臨巨洋與西岸小百丈崖參差
相對

巨洋之西巋然高大冠冕西南境之山而爲東鎮左輔者
則曰嵩山

在縣治西南六十里通志云沂山分支自北而西爲嵩
山卽此一名七寶山山之前有古刹爲古龍泉寺前有

潭卽龍泉奇石嵯峨層累光翠無土戴山多萬年松望
 如凝碧連天土人因目爲松山其南五里之麓曰黑山
 山有兩峯土人呼之爲金葫蘆銀葫蘆山其下有銀洞
 大小數處洞中有水潏水之源出焉山澗細砂中亦時
 出麩金貧民汰沙往往得之明萬歷中遣中使開采大
 爲民害 國朝康熙五十八年西陲方有軍事東省請
 開充濟青登四府礦場以佐軍需歸安陸師等六人出
 董其役采試至臨胸駐略水村三月封閉六井懲首事
 二人而去有師封礦洞碑邑人至今祝之附陸師封黑
 山礦洞碑記
 青之屬邑曰臨胸沂山在其南境乃周禮職方五鎮之
 一祀典亞岱宗有差迤邐而西爲嵩山凝碧挺秀丹青

光緒臨胸縣志卷二上山水

照耀俗呼七寶山岡聯嶂沓至黑山伏爲洞壑諸山之
 氣於此結穴遇水發土人於洞邊淘沙得金競傳爲金
 銀礦明萬歷中遣中官開采籍土富陳姓爲洞官五社
 丁壯爲洞丁鑿山穿井官民塗炭甚於兵燹至今父老
 談及輒舌咋淚出蓋臨胸一大害也康熙己亥居民掘
 煤得砂姦人雲集蠅營蝮噬中丞義村李公以聞時方
 事西陲軍芻孔急意欲佐公帑以塞私竇 天子未
 俞所請旋咨六卿慎簡能員往試有無裨益 天子未
 周詳不欲遽以礦病東人也庚子五月師奉簡書抵濟
 南先與中丞條議八款徧下郡邑毋犯民間廬墓田園
 毋納四方亡命毋擾地方供億執事夫役兵弁恪恭守
 法開采三月閱月迄無成效與中丞合詞具請封塞完固
 胸人安之按五金皆產於土其在禹貢荆揚貢金三品
 梁州貢璆鐵銀鏤今天下輿圖式廓兩廣采銅錫滇南
 采金銀而東省不與焉任土作貢之於其所產不責
 之於其所不產況東方震與天地爲生氣於京師爲
 股肱岳鎮方拱護環圖烏可鎚鑿而破碎之乎方事
 之初有陰主之者爲官吏所迫脅勢難解散至於奉
 聖帝命星輶久駐水落石出乃得報罷自非天子
 聖明山靈愛寶使者雖欲爲胸人善後無由也夫太平

獻瑞諸山有得銀甕者然可以無心而得不可以有意而求至於歲儉民飢淘沙餬口原無厲禁然可以養窮民不可以裕國帑古人云利不百不可興況於利一而害百乎明史所載可考而知也昔春秋書求金而南海明珠越裳翡翠史臣詳書以戒今天子聖德神功格被上下超越古今兩階千羽不崇朝而格有苗太倉粒粟滄海涓滴何補於事其肯勞民毒眾以病東人乎哉使者奉天子命要以勤宣德意息事甯人有不便於民者請於朝而罷之沂鎮有靈諒不以使者為廢墜王命也謹拜手而紀其事

其西南二十里為二郎山

在縣治西南九十里山西即博山境山上有金大定碑山陰有卧牛洞廓如巨室俗傳孫臏飼牛於此故名其北崖為絲窠山峭壁陡立有松數百株雜生崖石間蟠屈掩翳望如翠屏舊多榭樹居人仰事蠶績其利溥焉

光緒臨朐縣志卷二上

山水

十二

今剗伐殆盡矣山之陽亦有三洞一名絲窠洞廣可容百人一名花洞又曰玉皇洞因洞作閣上塑神像一名老洞在山東偏中有石竈石牀土人謂是孫臏修煉之所矣南五里為白修崗又南五里為書堂崗皆與二郎山相接蓋其南峯也書堂崗四壁陡絕一泉泓然當其麓土人曾依以避亂相傳為唐李衛公靖讀書處今以名社去縣治西南百里逼沂水境

其直南二十里許為青崖山

在縣治西南九十里山勢陡起峭壁百丈懸崖多松鬱秀蒼古上有神祠溪流繞其下東北入於略水

又南爲金鷄山

略水發源於此昌國餘臈云出黑山誤說見水考
極南爲豹頭山

在縣治西南百里南距沂水北與金雞山相望山有泉
名蘭泉發源西澗中此山之東有龍王崗三峯并峙有
洞曰透明洞南通沂水中廣盈丈炎夏入之如冰室焉

西有馬頭崗有文峯山在馬頭崗西少南又有玉兔埠金東少

黃龍山玉兔埠西少南棘子山青龍山文峯山南少東聚糧崗巨洋西岸方

廣數十里閒重岡複嶺參差相望初無正稱大抵皆沂
山支麓土人構意形似錫之佳名故字別音譌轉口而

光緒臨朐縣志卷二上山水

十三

異焉備錄於此而縣西南境之山明晰如繪矣

嵩山東北四峯高聳靈秀獨絕者曰三一山

在縣治西南五十里其東峯俗名回頭崗北峯俗名香
鑪頂南峯俗名楊州崗西峯俗名望佛頂三山西合而
東分可十餘里奧谷十數區可容數百家足棗栗梨柿
雜果可不耕而食北麓有鍾乳洞中有石柱石牀玲瓏
如冰淋漓欲滴鐙檠丹竈皆乳石天成類有仙靈宅窟
俗謂之仙人洞矣南麓雜樹薈蔚繇互五六里蒸雲隱
日晴晝濛濛奇禽異獸於焉萃止石徑如線車馬之迹
皆絕近地之小成都也霜後則高下如錦羃五色交錯

又如千萬美女靚妝凝立應風笑語其東北五里之峯如豬引其鼻名曰豬鼻山亦或謂之豬山上有石洞俗名硃砂洞

又東十里爲米山

舊志云山形如箕傍兩山大者爲米小者爲糠今以名社其東北十里之麓曰半壁山又東北數里有老崖崗產紅絲石中硯材與海浮山近矣

其東南三十里爲禪堂崗

在縣治南少西四十餘里崗南三里爲單崗兩崗皆崖石陡絕可避亂然單崗雖峭絕上無泉水禪堂崗奇峭

光緒臨朐縣志卷二上

山水

十四

不如單崗而崖半有泉可足數十人之用崗下復有泉自白龍洞中出洞側有龍神祠歲旱禱雨多應又北十里峭壁十數仞雜木陰翳古籐屈曲虯拏蔓絡無際開花時望之如綴錦巨竹萬竿生石罅中紅翠交映有泉自懸崖下滴匯爲小池俗名之曰孤山

又東北濱於巨洋者爲虎眠山

在縣治南三十餘里一名虎崖狀如虎橫眠首枕巨洋側而左顧石色斑斕極肖虎文東岸卽月明崖

又北三里爲小百丈崖

長嶺橫亙十里許西有風火洞其東懸崖壁立俯臨巨

洋崖半亦有石洞可容數十人相傳與風火洞相通此
投火則彼見煙土人當兵亂往往遁跡於中其崖雖石
壁而中空鑿輒成洞隔岸與月明崖參差夾峙

又北十里爲海浮山

在縣治直南二十五里下臨熏冶水上有神祠疏松數
株覆如碧雲下與水邊密竹俯仰相映此山以北雖地
勢趨下而曼衍平夷無復岡嶺矣

西北境之山以十數領勝標奇各有異境而皆統於逢山
在縣治西二十二里漢書地理志臨胸有逢山祠水經
注洋水又東北歷逢山下卽石膏山也麓三成壁立直

光緒臨胸縣志卷二上

山水

十五

上山上有石鼓鳴則年凶郭緣生述征記曰逢山在廣
固南三十里有祠并祠石鼓齊地將亂石人輒打石鼓
齊乘逢山臨胸西十里案路史逢伯陵姜姓炎帝後太
姜所出始封於逢在開封逢澤後改封於齊猶稱逢公
山因名焉舊有石鼓或擊而有聲今不存矣今按舊志
明崇禎十三年山鳴數日 國朝康熙四年大旱鳴如
牛吼據此則實爲山鳴非有石人打鼓事矣山巖崖沓
嶂奇石映發約略如靈壁卿雲五色隱宣一壁萬丈其
中往往如瑣窗重闥似開半閉亭午陰森欲雨飛鳥中
休懸松斐亶石溝水淙淙其陰靈奇幽秀甲於諸山列

代史志注皆表之有以也漢逢山祠在山東麓今移建山陰東谷曰大峪有陰德洞極西當人和社有子房洞禪房洞朝陽洞南峯一名方山又南五六里爲富春山有嚴陵釣臺山與方山連麓亦逢山支峯也富春之名蓋緣釣臺而起豈知大澤羊裘自隱齊地歸耕而釣乃在富春異地異時事難牽合即使釣臺果爲嚴陵遺跡而自有此山反成傳會矣

其東南五里爲石門山

在縣治西十七八里山阿有寺寺三面懸崖萬仞崖上松檜蚪屈不可勝計石罅中有泉細溜滴瀝如細雨重

光緒臨朐縣志卷二上

山水

十六

霧山勢結曲南向雖亭午不見日向夕乃見返照熒然故有石門晚照之目石壁多唐天寶間造像題名壁龕有僧骸二軀相傳元時人卧化於此至今未朽南崖有三元洞明末青州知府何永清削髮隱居於此其東北二里三峯尖秀宛如三角髻名曰孟婆髻山中峯尤高出雲表又名三臺山山前有洞東南向大如數十間屋

其後亦有二洞洞下有泉

附明馮琦遊石門山記余素懷禽向之志以省覲歸未能

及遠且期足跡遍於郡邑山川會吳生敦之自楚來生好奇兼有勝具乃以秋七月八日偕余叔海浮公謝茂才遊石門去邑十五里許谷口而西路漸狹約二里折而北斜徑出山谷之半石磊磊縈馬足野雉羣响山大孤吠四顧無人踪惟伐木聲與谷底相應二里許折而東兩山對峙屹如雙闕舍車而騎舍騎而步數息乃至

崇聖寺途始窮坐未定有客歷石級而升一僕操具以
從樹蔭中乍見乍隱則殷孝廉也猝不意至相見大喜
拂石磯而坐俯臨澗谷足半垂在外澗中樹杪與足齊
蟬隱而不鳴鳥語緩主客忘言僕從無譁乃始聞泉聲
隱隱北巖下蕭颯淅瀝如金石之眾山皆響諦視
則凡石隙皆出泉但涓滴耳如懸雷建瓴驟雨萬縷淒
風閒之吳生因誦唐人谷靜泉逾響山深日易斜若爲
此山預設也山三面皆絕壁日影所不至復嶺透迤當
其西入山深所歷漸高復嶺反出其下故當夕而見日
焉客既愛山之奇邃但恨不能遠望然以不外見乃益
幽絕石壁南北各數百仞東半之從下仰視亦爲神慄
青者如黛白者如堊峭者如削脫者如剝松柏數千百
如矯龍盤螭攫擊之者吾郡多童山無拱把之木而此
植亦迄無能斬伐之者吾郡多童山無拱把之木而此
山松柏以處勢高峻得自完莊生之言曰木以不材得
終其天年彼所謂不材以爲舟則沈爲器則速毀恬之
則傷人嗅之則醒世豈有以此木卽信如莊生言不材孰
知其材否試則木已不完由此言之無論材不材獨在
處山深不深耳寺負北巖佛殿僅蔽風雨僧舍數楹架
山木爲之有遺蛻二卧者師坐者弟子也皆元時人兩

光緒臨胸縣志卷二上山水

十七

其南十里爲八士山

在縣治西南二十五里魏書地形志西安有八士山卽
此又名八岐山亦曰八旗山八峯駢秀遠望如森戟排
空其東北五里有太平崗下峻上平山半有泉昔人嘗
避兵於此南有嶺曰支公嶺

其西南三十五里爲仰天山

在縣治西南七十里山之東數里複嶺上有巨石如人

狀一坐九立遠望如欲語相拱揖者土人謂之十道人
峯北爲白崖上有古剎枯松奇古皆山之遠麓也山上
有佛寺寺西盡處有崖圓秀峭聳萬松下垂如畫圖曰
佛光崖殿前有池水渟沍不流北巖下一小洞東出攬
鐵索而上爲觀音洞洞孤高徑峻仄不盈尺石磴巉巖
兩旁皆懸崖深峭登者咸有戒心
鐵索之設始於明益都鍾羽正南壁有石鏡圓明徑尺山林殿宇睨視
皆見其影自爲遊客鐫句其上不復如前光瑩矣巖陰
之西有水簾洞泉自洞出卽石溝水之南源也南岩之
西有羅漢洞俗名太祖洞廣數尺深十餘丈一竅仰穿
天光下射仰天之名以此山巔名仰天漕有平疇數頃

光緒臨胸縣志卷二上山水

十八

可耕穫然山高多寒他穀不殖寺僧惟種麥耳上有三
洞一白龍洞在極西一四門洞在石閣西南一黑龍洞
在東相傳有龍潛其中能興雲雨齊乘所云禱雨輒應
者也旁爲龍祠有宋碑今不存又有三教洞仙人洞功
德池萬柏窠柏臺諸勝明鍾羽正仰天寺記事敘述最
詳文多不錄此山之南又有鰲頭山西界博山境鰲頭
正東有松蘿頂與嵩山相望中隔大石水土人謂與此
山連脈故聯綴及之然已駸駸闌入西南境矣附明邑
人馮琦

游仰天寺記自治源將遊仰天寺小憩五并歷八岐山
度嶺而北拆路狹不客車暗若濛谷出白羊口始豁然
開朗人家依山足結茅茨咸在山半林木翳然霜葉已
酣忽復疑見桃源兩山夾道如長城石溝河出其下馬

首西指望峯巒頃刻異狀屏者凡者微爐者孟者冠而拱
者耳者手者駢枝指者其嶺率微者九人離立久望不
能別其非道人因嘆造物為人狀一區區者亦大傷巧矣山
行三十餘里始至寺日已暝宿僧舍晨起禮佛光崖壁
六楹泉出階下甚清冽僧毳以爲池其後爲佛光崖
立數百仞如蓮花多寶座上吐白毫光故名佛光松
覆其上遠望如懸蘿迫而視之如畫耳虬蒼幹皆數
百年物鳥徑起而飛僅及山半如畫鳥屏風上條而
其處循仄徑至北巖下入小洞折而東乃有路上觀音
洞攀欄楯以登謁大士像有石大如掌光可以鑑山中
屋宇林樹人往來歷歷皆可指即不知雪山石鏡有此
否稍東爲文殊閣從閣後有徑達山背爲水廉洞於壑
石乳垂爲滴有泉自洞中出濺綠苔白石上注於壑
卽石溝之源也還至佛光巖下循仄徑而南爲羅漢
洞一名大河洞太祖者僧所祖也而野人訛爲蓺祖附
會以俚語或遂形爲詩章刻石上爲山靈所笑洞絕奇
邃廣數尺深百餘尺有竅出其上可以望天僧吹笙客
以洞簫倚而和之洞中嫋嫋不了其南爲黑龍淵客
而深以石投之良久始砰礚有聲石壁上書龍淵名字

光緒臨胸縣志卷三上山水

記歲月如崇寧宣和大觀字甚工今亦不知爲誰何對
之頗有峴山之感邑既僻在海上山又去邑遠文韻
士少遊歷者蔓草中得完顏氏碑寂寞數語遂作韓
陵處空谷者見似人而喜矣大略仰天治湖山水足稱
兩絕山上松與水邊竹亦略不相當微恨殿前水外流
海浮山不奇峭耳此卽造物不能使兩盈類若有靳惜
者然各有獨至居然自勝豈必爭流競秀乃稱應接不
暇也觀已復至白羊口經釣魚臺取道逢山下以歸隱
山屹立巨嶂如錦川石青蒼五色映天碧石紋隱
如門狀透迤而東皆如瑣窗重闌不知述征記所稱石
鼓石人今猶在否會日暮不復能涉日馮琦以其游爲
未足尚以俟諸異日甲午九月二十一日
者余叔觀海公弟季韞
殷孝廉謝高兩茂才也

其北十數里界益都者爲玲瓏山

在縣治西北二十五里山基甚平而峻峯銳起聳出雲
表每有石竅相通故名亦曰北峯山對逢山之南峯言

也稍南迤西有三郎山一名三陽山衡恭王墓在焉古
邢紀略云逢山西北數里在臨胸益都之間蓋遷迤而
西盡縣之西北境矣

其東爲很虎山

在縣治西十里狀猙獠如虎卽逢山之麓將絕而復起
者摩崖有邑人陳占書迴龍巖三字大如斗山陰有蕙
泉咸豐間有石下墜覆泉上泉爲之湮此山爲逢山東
支盡處過此皆平壤達於郊郭

其東北十里爲蜘蛛山

在縣治西北十餘里圓秀孤起松檜蒼蔚上有神祠此

光緒臨胸縣志卷三上

山水

二十

山與恨虎山南北相望中界洋水又北爲龍門崗東北
則清涼山境西北之山盡於是外此參差列峙皆益都
山矣清涼山東與龍山相去可六七里萬峯環境周甸
不絕獨此數里纔爲平皋咸豐同治間寇警時至邑人
於此築垣扼守邦圉以固山邑蕞爾固天險也

光緒臨胸縣志卷三之上終

光緒臨朐縣志卷三之下

山水下

巨洋水出縣治南沂山西麓

沂山去縣南九十里古東小泰山也桑欽水經巨洋水出朱虛縣泰山酈道元注泰山卽東小泰山也巨洋水國語謂之具水袁宏謂之巨昧王韶之以爲巨蔑或曰胸瀾皆一水也而廣其名焉齊乘引之又曰沫曰洱然漢縣表稱實緣側川似於當時胸名尤著矣唐史作米蓋洱之譌晉義熙五年劉裕伐南燕自瑯琊至大峴慕容超使征虜將軍公孫五樓進據巨蔑水卽此今直謂之洱河水有二源一出沂山西北麓之龍灣說見後一出沂山西麓之龍灣一日天齊灣水色紺碧深不見底齊乘所云出沂山西麓卽此源矣西南過宋旺莊南又西北過九山集西西北麓一源自東來會之

宋旺莊在縣治南百里許有唐王氏墓表在滕隴閒巨洋水始出西南流逕此莊南復折而西北銅陵關水南來人之水無名涓涓細流四時不絕巨洋受眾水以十數此爲最先矣又北至九山集西與西北源合西北源齊乘不載昌國餘臈舊志並詳之然昌國餘臈別目爲

龍灣水謂逕大峪西北流合牛山新砦般陽諸水俱西
流過九鳳山注瀾水爲瀾水之東南源考牛山般陽諸
水雖皆注巨洋然去龍灣絕遠未嘗相通且皆在龍灣
東北又安得言西北流合之其爲舛午不待言矣舊志
沿訛不復考證今由土人探得其實數百年之誤一旦
豁然亦一快也

又北過紫草嶺西屈從嶺北東流

巨洋水合西北源後又北逕山東莊折而東流北有山
曰面齒山南卽紫草嶺去縣治七十餘里其上產紫草
厥臭芳薶以油漬之色正殷紅婦人用以澤髮采掇者

光緒臨朐縣志卷二下 山水

二

多今亦罕覩水至嶺東坡復北流

又北過石家河莊西屈東北流又西過彭家莊北

石家河莊去縣治南六十里莊南有黑龍洞水西岸少
南數里卽禪堂崗下有白龍洞土人嘗見白龍出入其
側有龍神祠禱雨多應水自莊西直東流折而北逕明
衡王 名諡
失考墓西又屈西流逕龍頭山之陽又西逕彭家
莊莊在水南水至莊後復直北流

又北過鹿皋集西又屈從岸清莊北西流

鹿皋集在縣治南五十五里山間一大聚落也北有一

山 俗名曰
母豬山 山北有香山寺又北曰石龍口巨洋水皆逕

其西水西岸卽岸清莊大峪嶺在其南水逕莊北直西
向打箭溝又折而北流逕城頂山之東

又北過月明崖西東北流枯河水東南來注之

月明崖在橋溝莊之北去黃山二里許巨洋水至崖下
又北過鳳凰莊西又東北流有一小水東南來會其源
出亂山中夏秋泉盛流盈餘時多淺涸土人目爲枯河
又西至小百丈崖又北屈東流龍門水自東來注之

小百丈崖在黃山西北黃山之麓遠出如曲肱左抱巨
洋水屈從其南直西流正對此崖川渠逼束寬纔丈餘
循崖折而北過泉莊東又東北流受龍門水水出自馬

光緒臨朐縣志卷三下

山水

三

鞍山西北過龍門崗又有水自崗下出合馬鞍山水曲
折至石埠嶺西入巨洋水

又東北略水逕水合流從西南來注之

逕水出黑山銀洞南流環山麓而東受略水又東北合
寺頭水苑家河水曲折東注至宋莊東入巨洋水二水
舊志不載昌國餘鯢云治水之西南二十里爲略水水
出黑山銀洞中卽出麩金者似逕水卽略水然據邑人
采訪略水源出金雞山東南麓北流屈從黃龍山之陽
又北與逕水合是明有二水矣豈傅氏未經目驗誤逕
爲略耶抑略逕音譌略水實出黑山導源金雞山者自

別爲一水耶方土之目於傳無考茲旣二水分列不容
只標一名遠略并詳姑取昭晰非好與傅氏牴牾也
又北至九鳳山南丹水合桃花水般水雙泉水大辛水天
池水自東來注之

九鳳山去縣治東南三十餘里山北孤阜長引雙澗曲
抱兩岸有泉側出出北岸者獨大冰堅雪被一鏡孤澄
菱藻交映有清漣之致名曰湧日泉巨洋水至山下受
縣東境諸水諸水之最大者出自凡山西麓凡山卽丹
山水故無名土人目之爲南丹水以別於東丹西丹也
水西南流經桃花莊又西南至寶瓶山側桃花水般水

光緒臨朐縣志卷二下 山水

四

入焉桃花水出墨斗山西澗卽凡山西麓傅國謂出自
牛山東桃花莊今考其跡殆不然矣又目爲瀾水東源
亦無證據水西南流至寶瓶山側入南丹般水出般陽
東嶺經般陽莊南山海經泰山般水出焉北魏於此置
般陽縣今尙有故城遺迹水上舊有古寺有魏孝昌碑
金大定碑今寺與孝昌碑皆不可考惟大定碑斷落土
人以爲井甃鄧嘉緝與李景綱訪碑至此親掘視之其
水亦西流至寶瓶山入南丹南丹水又西南流十里雙
泉水入焉又二里許大辛河水入焉雙泉水一名景陽
水出汪家溝東山西北經辛砦西入南丹大辛河水出

大峪龍灣天將雨水作雷鳴聲震遠近歲旱祈禱有驗
西北流過蜘蛛山西逕辛砦南閭將軍墓西又有天池
水來合之水出龍門山北麓博石洞流至龍岩寺左右
澗中環蓄成池中有二小魚僅二寸許常隱不見天旱
則土人窮泉求之魚見輒雨池故無名傅國目之爲天
池也穿池北流達於大辛河合流二里許入南丹南丹
至此凡受五水又西流至雲黃嶺傅國卜居於此名之
曰雲黃莊其晚號丹水亦以所近自名也水至此又西
北流入巨洋水

又西北至冶源東熏冶水自西來注之

光緒臨朐縣志卷二下 山水

又四

冶源去縣治南二十五里舊志引昌國餘臈云瀾水西
北受熏冶水水出海浮山下匯爲深潭往往皆自平地
突出清泉 沸直上噴珠射空平或竟畝深可盈丈湛
澈見底洲渚多茂竹古木幽磯袒瀨如雲蒸霧鬱邑人
馮惟敏建亭其上題云卽江南水經注云熏冶水出西
溪飛泉側瀨於窮坎之下泉溪之上源麓之側有一祠
目之爲冶泉祠按廣雅金神謂之清明斯地蓋古冶官
所在故水取稱焉水色澄明而清冷特異淵無潛石淺
鏤沙文中有古壇參差相對後人微加功飾以爲嬉遊
之處南北邃岸凌空疎木交合至若炎夏火流間居倦

憇提琴命友嬉娛永日桂櫂尋波輕林委浪琴歌既洽
歡情亦暢是焉棲寄實可憑衿小東有一湖佳饒鮮筍
匪直芳齊芍藥實亦潔並飛鱗道元父範北魏太和中
官青州刺史道元侍任東來此焉游息文詠流美今成
名跡矣齊乘云熏冶出縣南西溪與水經同澗水燕談
稱冶源爲歐冶子鑄劍處歐冶子事在吳越會稽之山
遺迹猶存此說殆近附會酈氏謂古冶官所在其說較
長又云小東一湖馮琦游記云在水南大可三畝至今
未改宋劉槩築室隱居其上有古碑今佚其南有亭
馮惟健題曰小蓬壺馮惟敏卜居於是馮氏支裔至今

光緒臨朐縣志卷三下 山水

五

憑之實爲邑南勝境春秋佳日游人如織府志云其水
東流水北有玉泉寺又東匯爲二淵俗謂之大小龍灣

又東里餘折而北入巨洋水

附馮琦游冶源記治水出
治官祠下注於湖疏爲河

以入瀾水湖曰龍灣當海浮山下相傳爲歐冶子鑄劍
池澄泓見底可舟可泳泉自湖底仰而上浮如貫珠勻
圓萬顆水煙奄靄細如薄霧水升降與海潮汐相應其
南有潭絕深作蔚藍色投之以物不沉湖可三畝樹環
之自湖堤以北皆匯水爲池竹環之泉分道下注非絲
非竹環佩璆然陂池相屬不知而人者不能出地可以
忘暑游客不假河朔之飲霜雪落木葉脫竹亭獨秀
下與藻荇相映亦復不知有冬凡湖中泉以萬計湖外
泉一百計樹一千計竹一萬億計魚遊於湖鳥飛且宿
竹樹間者不可得而計亭凡四堂凡二樓凡二池凡七
橋凡十主人凡五余清漪亭主也歲月不時至乃反如
客而諸叔居水上者獨爲主主人喜蒔花養魚鳥所居
成趣讀古人詩時舉其辭亦頗愛客客至迭召而飲
食之余至卽不敢當客顧諸叔實爲主飲而散宿於清

漪亭余乃爲主余既去亭爲主異日亭敞山水爲主蓋自鄗道元稱熏治泉之盛著於水經數百年而劉槩居之又數百年而海浮叔祖居之割十之一易池於沈氏沈氏以歸余若循其始則爽鳩氏之樂也吾何客主之有余自得請凡四至最後秋九月也與弟韞宿於亭客既去興復不盡寺鐘初歇山月半吐微雲點綴乍晦乍明乘月度小橋至山下且行且止相與語經冶官祠聽泉聲如沸清冷徹骨益復不寐邀謝君對弈三勝之聞門外肅肅刀刀以爲雨也得無妨明日遊乎出而視之微風入而竹鳴乃就寢而次日遊於仰天

又北經駐馬埠莊南大石水自西來注之

駐馬埠莊南去縣治二十二里舊志大河水出蓮兒山過流水莊由破邱嵩山西麓合九節之水東北流爲大河東北過朱羊村南又東北過廣饒合鳳止水入瀾水古邢紀略大石水出沂水界蓮子山東流過流水莊破

光緒臨朐縣志卷三下

山水

六

邱臨水諸山迤邐不可名狀中多古祠往往有遼金碑碣書刻頗工又經絲窠山村多榭樹居人仰事蠶績其利溥焉水折而北逕嵩山西北麓下 國朝進士劉清源墓側又東北流爲大河南岸有石如龜逆流而上邑人傳國名之爲元武石水曲折而東北過朱陽村南兩岸怪石杈枒如獸蹲伏東北至廣饒村鳳止水自西南來入之水出三一山鳴鳳泉在縣治西南三十餘里舊無名明傅汝祚卜築此山嘗夢有鳳集其上因以爲號泉流石澗中色湛味冽清明如空北流逕米山老崖窟至廣饒會大石水水上有五村皆名廣饒以姓名別之

周五村内外有古城跡似一都聚不知古爲何城雨流
既合復東流入巨洋水

又北經朱位北魚合水自東南注之

朱位南去縣治十六里許舊志合水出牛山東北麓西
南流七賢水自牛山西北麓西南流至七賢莊與魚合
水會村有僧忠親王廟懿親茂德祀嚴崇報歌誦之聲
至今未沫昔李廷樞牧羔羊而讀史遭劉秉玉於是遂
相知賞契合之感逸事存焉又逕朱位水北里許有明
狀元禮部侍郎馬愉墓豐碑屹然支姓繁衍居爲聚落
食德服疇世保邱隴敦樸古處彬彬有禮讓之風魚合

光緒臨朐縣志卷三下

山水

七

水又二里許入巨洋水

又北經縣治南郭黃龍水自西南來注之

巨洋水又北經縣治南關郭外西南里許縣之得名考
詳沿革水經注古伯氏駢邑也漢武帝元朔二年封菑
川懿王子劉奴爲侯國王莽之監胸也沿水悉是劉武
皇北伐廣固營壘所在舊志黃龍溝出三溝澗至田村
始大府志同古荊紀略曰水出八士山東麓去縣治西
南二十五里其水上流涸竭東北至田村北濫泉涌出
地中散渙以百數匯爲深潭舊志府志所云未溯得其
源耳水色深碧俯視湛黯鱗多鱸鯉下流亦深盈數尺

東北流至水磨村北抱明邑人傳應兆墓至城南郭西南入巨洋水

又過縣治東龍泉水自西來注之

龍泉水水經注謂石溝水下流有時通塞春夏水汎川瀾無輟亦或謂之龍泉水府志申其說云此水當是洋水下流溢爲支津故得龍泉之名而與經流不屬耳今考水源實出縣西紙坊村西南寺泊社地舊志古邢紀略并同地去孟婆山數里故昌國餘鯨亦云出山東北麓三說皆確與石溝水絕不相涉不得指爲下流亦不得目爲支津也其水平地一泓宛曲至孤唐水流地上

光緒臨朐縣志卷三下

山水

八

僅如一綫不溢不拓兩岸草木深蔚景色明秀俗呼錦龍河銅幫鐵底環紙坊居人皆漂桑皮爲紙仰食者千餘家沿岸多蔬圃旱則決以溉田晉太武太元十九年十一月後燕遼西王慕容農敗晉龍驤將軍辟閭渾於龍水卽此水上有宋王肱墓明嘉靖中知縣褚寶嘗導從西郭外北折繞城爲池旋廢復故道東流徑縣治南郭東北入巨洋水

又東北過朐山北時村水自東來注之

巨洋水又東北過朐山北齊乘云又北至臨朐城東逕覆釜山者也咸豐間僧忠親王追勦南捻駐軍朐山改

山名爲卧虎以形似也舊志時村水出方山東麓方山在縣治東四十里許水西流至胸山北入巨洋水又北經委粟山北石溝水自西來注之

巨洋水又東北經粟山至河頭莊莊去縣治東北十里舊志胸北十里爲石溝水出仰天水簾洞流至釣魚臺北經逢山之陰東入瀾水水經注巨洋又東北逕委粟山北洋水注之水西出石膏山西北石澗口齊乘巨洋水又北逕委粟山又東北石溝水入焉石溝水出逢山東北石澗中古邢紀略石溝水有二源一出益都石膏山東流繞衡王墓前又東與南源合一出仰天水簾洞

東北流至白洋口又北逕嚴子陵釣臺又北至逢山西北麓下與北源合石膏水東逕逢山虎踞山之陰虎踞山一名狼虎山去縣治西十里又東北至石溝店東入巨洋諸書所云不一大都皆遺一源故古邢紀略辨之府志依水經注而南源亦未敘及水道遷移今古靡定就所目擊確有二源今詳錄之其水一出益都縣境石膏山卽逢山之麓至三郎山去縣治西二十五里繞衡恭王墓前東流與南源合一出仰天山水簾洞山去縣治西南七十里洞在山後水自洞出北逕嚴子陵釣臺又北至逢山與北源合山去縣治西二十里山下有

逢山祠水逕祠南又東北至石溝店又東至河頭莊入

巨洋水

府志辨石膏山一源頗詳今附錄以備考其言曰案石膏山今無其名土人亦不能指為何山

惟逢山西北之山距逢山不三四里實與逢山夾洋水而峙迤邐合杳若一山然以酈注方位定之當即石膏

山也其西北之石膏山而石溝之水戶峪當即石澗口之俗知者今失一石膏山而石溝之水戶源幾不知所出舊志

雖列石膏山於益都亦祇就石膏山西北一隅言之其東南一帶之山在臨朐境者亦當有石膏山舊志固未

之及也今逢山迤西而北羣巒疊嶂宛延不絕有澗長十餘里土人謂之石戶峪與益都石澗口或即是在是而

南逕逢山下又別無所謂洋水者石澗水出逢山東北

石澗中自注山即石膏山蓋在思容時石澗水出逢山東北

在故石溝之源猶可也詢之士人今逢山東北無石澗且北陽水條云石膏山與逢山連麓石澗水出其

東實逢山西北也石澗若在逢山東北則不得謂石澗水出其東矣東字當是傳寫之誤尚書馮琦遊仰天

光緒臨朐縣志卷三下 山水

既無石膏山之名而石溝之源羣以水簾洞當之馮氏亦耳熟焉乃走筆及之未暇一究其實耳又齊乘以石

溝水為北洋則以酈注巨洋又東北洋水注之句北字誤屬下讀實無北洋之名觀本注後文一再稱洋水而

無北字斷可知已

又北經郭家埃莊清涼山水自西來注之

巨洋水又北經郭家埃莊莊去縣治東北十二三里水

出清涼山北谷中東流至其莊入巨洋水水經注巨洋

水又東北得邳泉口泉源西出平地東流注於巨洋水

今按河頭莊以下平地無泉惟此水自清涼山來疑即

古之邳泉矣

又北經龍山西赤澗水西來注之

舊志赤澗水出赤澗店西山谷中時有通塞水上有明禮部馮琦別業舊名未園今已改屬吳氏中有小樓其遺構也水過赤澗東折冬夏不涸紆曲澄清頗有幽致又數里逕閔家莊南東入巨洋水

又北經龍山西北龍崗水自東來注之

齊乘又東北龍崗水出臨朐東北窑山東來入焉古邢紀略龍崗水出堯山西麓堯山在縣治東北三十餘里山有堯祠相傳堯巡狩登此堯水出焉齊乘之窑山卽堯山也龍崗水西北逕龍崗店南店去縣治東北二十五里村人趁墟禹莢之利饒焉又西至龍山北麓下至

光緒臨朐縣志卷三下

山水

十一

安家莊西北入巨洋水

又北入益都縣境至壽光縣入於海

巨洋水又北入益都縣境直北去縣治二十里水至此卽出邑境下流尙會建德南陽康浪諸水以非本境故不更詳

汶水出縣治南沂山絕頂法雲寺下

寺去縣治南百里桑欽水經汶水出朱虛縣泰山酈注伏琛晏謨並言水出縣東南嶧山山在小泰山東齊乘云今沂山絕頂穆妃陵側有瀑布泉懸百丈崖而下卽汶水也府志汶水出縣南九十里汶有二源自沂山者

流大而長卽瀑布泉也自崑者北流不出七八里卽合沂流皆謂之汶舊志不載此水昌國餘臈古邢紀略皆云出法雲寺鄧嘉緝親溯水源至其處法雲寺今已頽廢僅餘三楹破堵中有康熙間重修本寺石碣一頭陀守寺暮則扃之下山宿於東鎮廟泉自石罅中流出上多橡栗子熟亂落如雨山僧拾以供客石壁松杉雜出枝幹虬屈其色蒼古勁逾鐵石不知幾千年物然皆高不盈丈石堅無土故也其地實沂山之東北麓

東北下百丈崖又東過東鎮廟南

東鎮廟去縣治東南八十里齊乘汶水東流循鳳凰嶺

光緒臨朐縣志卷三下

山水

十二

折而北經大峴山昌國餘臈汶水東北流十五里下百丈崖經東鎮廟前百丈崖上舊有石挺出下則石壁千仞水流至此懸流下注故昔人稱其水雷奔電激而下舒縮隱見巨者游龍飛虹注於壑細者如殘霧霖雨零濛四落其下巨石如席足以勇坐看泉崖根積冰常至四五月未消洵爲勝境今時代浸久挺出之石爲水衝激損墮崖下水麗石流至半崖時或騰起方可二三十丈陰壑迴風吹水若珠璣散落溼人襟袂懸溜中多明人題名水趨夾澗噴薄而下如萬馬奔騰聲震巖谷對崖石壁鐫海嶽二字方逾徑丈崖東里許有石竟畝鉤

刻大書字鉅如屋不可辨有本道副使題名土人呼爲龍爪石水又東至上駟院至東鎮廟廟祀沂山之神歷代皆隆望祀元成宗至治二年詔封沂山神爲元德東安王有碑在正殿之右殿宇頽廢碑石林立惟遼金爲最古均刻祭告之文游客題詠欹擲滿道今餘正殿三楹同治閒土人鳩貲所建殿前後檜柏數十株參天蔽日大數十圍千百年物也寢殿祀神及二夫人像齊乘云石刻神像俗傳宋大祖微時鬪韓通於此棄衣而石翁媪收之神像猶作臂衣之形故又云翁婆廟本卽沂山之神歷代封祀有典而里俗妄誕如此不經甚矣今

神像端儼並無臂衣之狀疑非元時像矣

又東過蔣峪又東入安邱縣境

蔣峪去縣治東南七十里齊乘汶水經大峴山陰峴水入焉又北逕蔣峪口有水出峪中西來入焉自注峴水爲穆陵關北之水水經有崕山水以爲汶源疑卽蔣峪口之水府志汶水東北流逕蔣峪又東北逕朱虛縣故城又東逕白塔社至高崖入安邱界昌國餘臈東北流過蔣峪店又東北過白塔店又東北入安邱境古邢紀略又東峴水入焉又北折逕蔣峪店西山水入焉又東北受良灣水逕白塔店入安邱今按汶水自東鎮廟屈

流經大峴山山在縣治東南百五里在沂山之南迤東有水出其北與汶流會山上有穆陵關上有常將軍廟關後有普照寺寺東亂石中出泉甘冽名曰甘露關下有元至正碑山北數里有劉裕祭天五壇今無迹水又東北至大關村南東岸有烈女田令姊碑北數十武有造像石屋石大如一閒屋中空相傳沂山有九十九石屋此其一也鄧嘉緝偕李景綱訪碑沂山親見於大關村南野田中乃昔人就石鑿空其中三面皆琢石佛像空處可俯容二人兒童以瓦礫擲擊石像剝落幾不可辨石外左右面有界劃痕依稀字大都唐以前造像

祈福之物土人云沂山左右尚有一二處以遇風雪未能覽記矣水又東至蔣峪店有水自西山來注之又東徑朱虛故城卽劉章之封國昔後漢孔融爲黃巾所破走保朱虛今廟山尚有遺跡土人呼爲城頭朱水自北來會之水出紀山東南麓南流經柳山西入汶昌國餘鯢疑爲漢之虛水矣汶水又東徑白塔店遂入安邱縣境

西丹水出縣治東北凡山北流入昌樂境

凡山卽丹山地理風俗記丹山丹水所出水經注丹水有二源各導一山世謂之東丹西丹也西丹水自凡山

北流逕劇縣故城東丹水注之出方山齊乘西丹出丹山在臨朐縣東北三十里東丹出方山在丹山東北二水皆北流至昌樂廢城西乃相合通名爲丹河入於海舊志不載昌國餘腥云堯水東南二十里爲丹水出丹山其不言西丹者以於境內方山覓東丹水不得故也并於酈注一再致譏今考古方山實在昌樂縣境昌樂縣志東丹水出方山之西南田家泉莊規其方位正在凡山東北與水經注齊乘之說並合境內方山在凡山西十里培塿微峙疑卽凡山支阜方俗之稱與古方山無涉傅氏以爲水經注所標卽此宜其覓東丹不得

也不知越境求東丹之源而遽以酈注西丹之名爲戾泥今疑古囿於方域疏妄不待言矣東丹之源旣得西丹之名自定酈注翔實無可疑也西丹水出凡山東北麓北流逕行山倉山西入昌樂境在境內行可十數里

按昌國餘腥又以丹水卽白狼水古郡紀略正之曰白狼水有二源齊乘云一出丹山一出小王莊平地昌樂舊志云出播鼓山濰縣志亦云詢之土人則出大姑山前深澗中東北經營邱又東北入濰縣繞城東門又北入別畫湖又北入海傳雲黃誤從酈注世謂之白狼水一語遂云丹水經壽光斟灌城爲白狼河不知白狼水自爲一水非卽丹水也語甚詳辨然曰誤從酈注亦非考水經注淄水篇下云余按營陵城南無水惟城北有一水世謂之白狼水西出丹山俗謂凡山也東北流巨洋水篇下云西丹水自凡山北流逕劇縣故城東北分別明晰了不相蒙酈氏本未嘗誤傅氏乃云水經注凡山丹水出焉世謂之白狼水未嘗裂原文自生疑竇歸過酈

氏得毋已寃至大姑山之卽播鼓山播鼓山之卽統於凡山說具詳府志以涉昌樂境故徵辨從略云

堯水出縣治東北堯山北流入益都境

舊志不載水經注堯水出劇縣南角崩山卽故義山也水卽蕤水矣地理志劇縣有義山蕤水所出也北逕嶼山東齊乘府東角崩山與方山相連伏琛齊紀一名堯山又云堯水出府東南七十里角崩山則堯山卽酈注之角崩山堯水實出於此通志云出倉山誤昌樂縣志水源出臨朐之堯山流甚細經益都昌樂界北流至堯溝又北入壽光界又東北會巨洋合流入海與水經注堯水又東北注巨洋之文合昌國餘臈云西北入丹水

府志亦云入丹以在他境不暇詳矣舊志別有英山河

雙水河楊河

四水皆東流入汶

竹子溝

西流入魚合水

皆涓涓細流時

涸時溢不能自達正流別爲支派故不更標目而彙誌

其名於此

泉

附 洞 隸 山 泉 隸 水 以 類 從 也 而 亦 互 見 者 則 泉 穴 於 山 洞 瀕 於 水 也 洞 已 詳 載 無 遺 獨 原 泉 雜 出 敘 次 尚 多

未及故一一標目於後以備考川土者采焉

玉泉在寺頭東十里西安村平出地上

輝泉在五井店南大石山下傳國有游輝泉記文多不錄

天井泉在五井西山中昌國餘臈目之爲井按平地施人

工掘而及泉者爲井今水出亂石中固當爲泉不得強名爲井矣

鳴琴泉在沂山北麓石澗紆曲水泠泠如鳴琴石崖鐫鳴琴二字

釜泉在縣南一百里出平地四時皆溫故名

糠泉出孟髻山東澗逕馬陵村又東逕石埠平安莊散於平地不恆出出則歲歉故名

小山泉在九鳳山東北平出長盈不流

飲馬泉在西鹿皋爲石池俗名焦女飲馬處水甚清冽

大峪泉在逢山東麓大峪口村自懸崖噴出流入石溝水

光緒臨朐縣志卷三下

山水

十七

此泉舊志不載

右山水一卷向距里數舊志多失之遠揆諸疆域幾病莫容今所採訪間有更正然亦未必得實蓋山路類非直達往往準望甚近而赴之或遙以高下迂折之道里定爲相距實數此必不能盡合也然採訪究係目驗視陳編自較可憑今旣未克周履測算故多舍舊志而從採訪道里雖仍書疑方位或不致大舛云

光緒臨朐縣志卷之三終